

ლანჩხუთის მუნიციპალიტეტის საკრებულოს სოციალურ  
საკითხთა, განათლების, კულტურისა და  
ახალგაზრდულ საქმეთა კომისიის სხდომის

ოქმი № 5

ქ. ლანჩხუთი

22.07.2022 წელი

15.00 საათი

სხდომას უძღვებოდა: ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარე კარლო კვიციანიშვილი;

კომისიის წევრები: ნინო მშვიდლობაძე, დარეჯან ბურჭულაძე, კარლო წილოსანი, გოჩა ჯანაშია, ლოლიტა ურუშაძე, ირმა მგელაძე, მაკა მშვიდლობაძე, რევაზ კვერენჩილაძე, ელისო ჭიჭინაძე.

მოწვეული სტუმრები: ლანჩხუთის მუნიციპალიტეტის მერი ალექსანდრე სარიშვილი, ლანჩხუთის მუნიციპალიტეტის მერის პირველი მოადგილე ეკა გუჯაბიძე, საკრებულოს აპარატის საორგანიზაციო განყოფილების მთავარი სპეციალისტი საზოგადოებასთან ურთიერთობის საკითხებში ლაშა სარჯველაძე, მეოთხე რანგის პირველი კატეგორიის უმცროსი სპეციალისტი ხათუნა ვადაჭკორია.

სხდომის თავმჯდომარემ, კარლო კვიციანიშვილმა სხდომას გააცნო დღის წესრიგი:

1. ლანჩხუთის მუნიციპალიტეტის 2022 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს 2022 წლის 25 იანვრის N1 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების დამტკიცების შესახებ“

/მომხსენებელი: კარლო კვიციანიშვილი/

2. სხვადასხვა

დღის წესრიგის პროექტის მიმართ კომისიის წევრების მიერ შენიშვნები არ გამოთქმულა

კომისიის თავმჯდომარემ, კარლო კვიციანიშვილმა კენჭი უყარა დღის წესრიგის პროექტს:  
მომხრე 10; წინააღმდეგი არცერთი.

1. დღის წესრიგის პირველი საკითხი: 1. ლანჩხუთის მუნიციპალიტეტის 2022 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს 2022 წლის 25 იანვრის N1 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების დამტკიცების შესახებ“ ისაუბრა კომისიის თავმჯდომარემ კარლო კვიციანიშვილმა. მან განაცხადა, რომ მერიის ჯანმრთელობის დაცვისა და მუნიციპალური სერვისების სამსახურის მიერ განხილულ იქნა მუნიციპალიტეტის საკრებულოს ფრაქცია „ქართული ოცნება დემოკრატიული საქართველოს“ ინიციატივა ონკოდაავადებულების თ/თ (პოზიტრონ ემისიური ტომოგრაფიის) კვლევის თანადაფინანსებასთან დაკავშირებით. ზემოაღნიშნული კვლევის ღირებულება ძალიან მაღალია, დაახლოებით 2500 ლარიდან 3000 ლარამდე მერყეობს. ასევე, შეინიშნება ონკოდაავადებულების მზარდი ტენდენცია, რომლებიც საჭიროებენ ზემოაღნიშნული

მალალტექნოლოგიური კვლევების ჩატარებას. აღნიშნული კვლევა არ ფინანსდება სახელმწიფო ჯანდაცვის პროგრამის ფარგლებში და მუნიციპალიტეტის მოსახლეობის გარკვეულ ნაწილს მისი სრულად გადახდის შესაძლებლობა არ გააჩნია. ონკოლოგიური პაციენტებისაგან ზემოაღნიშნული კვლევის დაფინანსებასთან დაკავშირებით არის მომართვიანობა. კვლევის დაფინანსების მიზანია ონკოდაავადებულების სრული დიაგნოსტიკა და მკურნალობის სწორი ტაქტიკის შერჩევა. სამკურნალო-საოპერაციო ხარჯებით დახმარების პროგრამით გათვალისწინებულია მაგნიტო-რეზონანსული ტომოგრაფიის, კომპიუტერული ტომოგრაფიის და ანგიოგრაფიული კვლევების სახელმწიფო პროგრამებით დაუფინანსებელი ნაწილის 50% თანადაფინანსება. თუმცა ინიცირებული ზემოაღნიშნული კვლევის დაფინანსება არ არის გათვალისწინებული მისი მაღალი ღირებულებიდან გამომდინარე. მოქალაქეთა ჯანმრთელობის დაცვის სერვისებზე ხელმისაწვდომობის გაზრდის მიზნით შესაბამის სამსახურს მიზანშეწონილად მიაჩნია გამოიძებნოს ფინანსური რესურსი 10 000 ლარის ოდენობით და სამკურნალო-საოპერაციო ხარჯებით დახმარების პროგრამას დაემატოს პოზიტრონულ-ემისიური ტომოგრაფიის (თ/თ) კვლევის თანადაფინანსება ღირებულების 20 %-ით. კვლევებით ისარგებლებენ 0-დან 130 000-ი სარეიტინგო ქულის მქონე ბენეფიციარები. ხოლო სასწრაფო გადაუდებელი პოზიტრონულ-ემისიური ტომოგრაფიის (თ/თ) შემთხვევაში კვლევის უნაღდო ანგარიშსწორებით (ინვოისით წარმოდგენილი ასანაზღაურებელი თანხა არაუმეტეს 400 ლარისა) -რომელიც არ ჯდება მერის თანადაფინანსების პროგრამაში, მერის ინდივიდუალური ადმინისტრაციული სამართლებრივი აქტით შესაძლებელია განხორციელდეს სარეიტინგო ქულის წარმოდგენის გარეშეც ადმინისტრაციულ ერთეულში მერის წარმომადგენლისა და საკრებულოს წევრის შუამდგომლობის საფუძველზე). აღნიშნული ფინანსური რესურსით შესაძლებელი იქნება დაახლოებით 17 ბენეფიციარის კვლევის დაფინანსება.

კომისიის წევრებმა კმაყოფილება გამოთქვეს აღნიშნული ინიცირების განხორციელებისთვის და იმედოვნებენ, რომ მეტი შესაძლებლობა მიეცემათ დაეხმარონ მოსახლეობას.

კომისიის წევრების მიერ სხვა შენიშვნები და წინადადებები არ გამოთქმულა.

კომისიამ მიიღო გადაწყვეტილება: წარმოდგენილი დადგენილების პროექტი გადაეცეს საკრებულოს 2022 წლის 27 ივლისის სხდომას განსახილველად.

მომხრე 10, წინააღმდეგი არცერთი.

## 2. სხვადასხვა

1. კომისიის თავმჯდომარემ, კარლო კვიციანიშვილმა განაცხადა, რომ საზოგადოების მხრიდან საკმაოდ დიდი გამოხმაურება მოჰყვა ანსამბლ „მხედრების“ დაშლას. დაინტერესდა, რა სამომავლო გეგმებია დასახული ა(ა)იპ კულტურის დაწესებულებათა გაერთიანებაში.

ლანჩხუთის მუნიციპალიტეტის მერმა გააკეთა განმარტება, რომ „მხედრები“ იყო კულტურის სახლთან არსებული ანსამბლი, სადაც ნაწილი მოცეკვავეები დადიოდნენ ოზურგეთიდან და ჰქონდათ მიზეზი ანაზღაურება. ამჟამად დაგეგმილია კულტურის ცენტრმა ანაზღაურება გადაუხადოს პედაგოგებს და ქორეოგრაფებს, რომელთაც დაეკისრებათ შექმნან კონკურენტუნარიანი ანსამბლები, დაიწყონ ბავშვებიდან და გაზარდონ ანსამბლი. მერია დააფინანსებს ფორმებს და ანსამბლების საგასტროლო ხარჯებს. სწავლება იქნება ფასიანი, მაგრამ შეღავათები გაეწევათ სოციალურად დაუცველებს, ორ და მეტ შვილიან ოჯახებს, რომლების ივლიან ცეკვის ჯგუფში.

2. ირმა მგელაძემ განაცხადა, რომ ხომერკის ქუჩაზე ცხოვრობს შშმ პირი, რომელიც ეტლით გადაადგილდება. სასურველი იყო, პირველ რიგში ამ ქუჩაზე დაგებულიყო ასფალტი.

მერმა, ალექსანდრე სარიშვილმა განმარტა, რომ დღეის მდგომარეობით საკმაოდ დიდი თანხა იხარჯება ქუჩების მოწესრიგებაზე, ეტაპობრივად ყველგან დაიგება ასფალტის საფარი.

3. დარეჯან ბურჭულაძემ დასვა საკითხი, რომ ავტობანის ამოსასვლელ ქუჩაზე (აღმაშენებლის) აუცილებელია გადასასვლელი ზებრების განახლება.

4. ელისო ჭიჭინაძემ განაცხადა, რომ კლინიკა „მედალფა“-სთან მიმდებარედ არსებულ ბენზინგასამართ სადგურზე აუცილებელია მოეწყოს საპირფარეშო, რადგანაც ირგვლივ ანტისანიტარიაა.

5. კარლო კვიციანიშვილმა განაცხადა, რომ ქალაქის ცენტრში „რაიკოოპუნივერსიტეტის“ უკან არსებულ „ჰიგიენის სახლში“ მოსახლეობა ვერ ახერხებს შესვლას, ვინაიდან კერძო პირის მიერ გადაღობილია. დაინტერესდა, რამდენად კანონიერად არის ტერიტორია დაბლოკილი და არის თუ არა შესაბამისი სამსახურის მიერ გაცემული შემოღობვის ნებართვა.

6. ელისო ჭიჭინაძემ განაცხადა, რომ სხვადასხვა საჯარო სკოლებში არის როგორც ექიმები და ასევე ექთნები, მაგრამ გამონაკლის სკოლებს საერთოდ არ ჰყავთ მედ-პერსონალი. სასურველია განათლების სამინისტრომ და ადგილობრივმა რესურსცენტრმა უზრუნველყოს, რომ სავალდებულო გახდეს ყველა სკოლას ჰყავდეს მედ-პერსონალი, თუნდაც ექთანნი.

7. ელისო ჭიჭინაძემ განაცხადა, რომ ლანჩხუთში მიმდინარეობს კოლეჯის მშენებლობა, როდის დასრულდება და ვინ იქნება დასაქმებული.

კარლო კვიციანიშვილმა განმარტა, რომ სექტემბრისთვის ვერ მოესწრება კოლეჯის გახსნა, შემდეგ ეტაპზე უნდა გაიაროს აკრედიტაცია და დაკომპლექტება მომსახურე პერსონალი.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს  
სოციალურ საკითხთა, განათლების, კულტურისა  
და ახალგაზრდულ საქმეთა კომისიის თავმჯდომარე



კარლო კვიციანიშვილი

ლანჩხუთის მუნიციპალიტეტის საკრებულო  
სოციალურ საკითხთა, განათლების, კულტურისა და  
ახალგაზრდულ საქმეთა კომისია

2800 ლანჩხუთი, კოსტავას 37 0 494 22 30 19

ლანჩხუთის მუნიციპალიტეტის საკრებულოს სოციალურ საკითხთა,  
განათლების, კულტურისა  
და ახალგაზრდულ საქმეთა კომისიის №5 სხდომის  
დასკვნა

ქ. ლანჩხუთი

22.07.2022 წ.

2022 წლის 22 ივლისს მოწვეულ იქნა ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის სხდომა. სხდომამ განიხილა დღის წესრიგით გათვალისწინებული შემდეგი საკითხები:

1. ლანჩხუთის მუნიციპალიტეტის 2022 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს 2022 წლის 25 იანვრის N1 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების დამტკიცების შესახებ“

კომისიამ მიიღო გადაწყვეტილება:

დღის წესრიგის პირველი საკითხი 1. ლანჩხუთის მუნიციპალიტეტის 2022 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს 2022 წლის 25 იანვრის N1 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების დამტკიცების შესახებ“







2. წარმოდგენილი დადგენილების პროექტი გადაეცეს საკრებულოს 2022 წლის 27 ივლისის სხდომას განსახილველად.

ლანჩხუთის მუნიციპალიტეტის საკრებულოს  
სოციალურ საკითხთა, განათლების, კულტურისა  
და ახალგაზრდულ საქმეთა კომისიის თავმჯდომარე

კარლო კვიციანიშვილი

ლანჩხუთის მუნიციპალიტეტის საკრებულოს სოციალურ საკითხთა,  
განათლების, კულტურისა და ახალგაზრდულ საქმეთა კომისიის წევრები

სარეგისტრაციო ფურცელი  
22.07.2022 წელი  
15.00 საათი

სახელი, გვარი	დაწყების დრო	ხელმოწერა
1. თავმჯდომარე – კარლო კვიციანიშვილი	14:55	
2. ნინო მშვიდლობაძე	14:55	
3. დარეჯან ბურჭულაძე	14:55	
4. ლოლიტა ურუშაძე	15:00	
5. კარლო წილოსანი	14:57	
6. ირმა მგელაძე	15:00	
7. მაკა მშვიდლობაძე	14:55	
8. გოჩა ჯანაშია	14:55	
9. რევაზ კვერენჩილაძე	15:00	
10. ელისო ჭიჭინაძე	14:55	